

Conzert d'Advënt cun le cor dles èles Kèrygma y la Familia Waldauf da Schwaz, cun tesć de meditaziun de Annamaria Fiung en domënia ai 06.12.2015 dales 17:00 tla dlijia de Badia. Düt é dér bel inviá da gní.

Conzert de Advënt: „ abracé MOZART „ Missa solemnis KV 337 cun cianties ladines y internazionales d'advënt cun l'cor cantus iuvenis & orchestra sot ala direziun de André Comploi en sabeda ai 05.12.2015 dales 20:00 te dlijia d'Al Plan.

Conzert d'Advënt dla Musiga da La Ila adüm al Cor de Dlijia, ai 29.11.2015 dales 17:00 te dlijia da La Ila. Düt é der bel inviá.

Iniziatives di jogn de Badia: ai venn indô gherlandes d'Advënt en chësta domënia do les mësses dan stüa di paurs.

Por **San Micurá** élé da se prenoté pro David al nr. 347/3420745 (dales 12.00 ales 15.00 y dales 19.00 inant). Chësc ann pól ester che San Micurá vais a tlocuré pro vigni porta de ciasa, mo an pól ince dí de no.

„Lichterherz/Cuore di luci“- Gedenkfeier für Kinder, die vor der Geburt oder kurz nach der Geburt verstorben sind - en domënia, ai 06.12.2015 dales 16:30 te cortina da Balsan.


Marcé da Nadé ti Salf Laur Protezioné da Pidrô: düt é inviá a chësc pice marcé chësta domënia, ai 29.11.2015 dales 10:00 ales 17:00.

Desvalis sorvisc a Oies: Padre Ian da Oies chir jënt che fajess sorvisc desvalis: lí les letöres/ suplices, chirí y intoné cianties da Mëssa, parti fora la S.Comuniun, sorvisc da mone, arjigné ca ores de oraziun o adoraziun da sëra. Chi che foss disponibili a fá val'iade val'pice sorvisc (y ince chi che l'fej bel'al momënt), é periá da gní en **sabeda, 05.12.2015 do la S. Mëssa** sön stüa dl sant. Chi che ne pól nia ester presénc en chél de, é periá de telefoné a P. Ian (0471/ 839635). Dér bel giulan.


Marcé da Nadé de benefiziënza: la scolina da S. Ciascian mët a jí dan Nadé n marcé de benefiziënza por daidé na familia da Weitental che é ti dolor por la mort dl pere jonn y é en dificolté finanziara. Al vëgn ince invié da porté patúc fat a man te scolina dales 12:30 ales 14:30 o telefoné al nr. 0471/ 849262. Giulan.

Plata dla Ploania Badia

UNITÉ PASTORALE



San Iaco - San Linert



Ploan: Siur Iaco Wendelin Willeit
Calonia Badia: 0471/839571
E-Mail: parrocchiabadia@libero.it
Radio dla Ploania: 91,10 Mhz

www.unitepastorala.org

Ann C

29.11 - 06.12.2015

1^a domënia de Advënt

n. 01

Scomënciamënt dl ann liturgich „C“

ADVËNT

Dein Kommen
ist die Hoffnung
für unsere Welt



Vangele dla domënia che vëgn - 2^a de Advënt

Luc. 3,1-6

Al è le chinejimo ann dl govern dl imparadú Tiberius; Pontius Pilatus è governadú dla Iudea, Erodes tetrarch dla Galilea, so fre Filipus tetrarch dla Iturea y de raconitis y Lisània tetrarch de Abilène; gragn proi è Hannas y Caifas. Dailó ti é jüda la cherdada de Dî a Jan, al fi de Zacaria, che viô tl desert.

Y al è rodé suradöt le raiun incér le lordann y incundâ dailó n bato de converjiun por le pordonni di picia. Insciò s'ademplí ci ch'al stá scrit tl liber dles pardiches de Isaïa: Na usc scraia tl desert: Arjignedi ca le tru al Signur! Avaledi fora les strades! Vigni fossé dess gní implí só y vigni crëp y col dess gní arbassé. Ci che é stort dess gní rodunt, ci che é desvalí dess gní valí. Y döta la jënt odará la salvëza che vëgn da Dî.


FUNZIUNS SACRES

29.11.1^a DOMËNIA de ADVËNT / Ann C – Festa di ministranc

10.00 Mëssa por la Comunità

19.30 RORATE: artejagn y familiars (sona i Turmbläser)

†ti Tone y Rosina Pitscheider
vis y †ti Alfarei de Parüs
por fam. Milio y Carolina Pizzinini



30.11. Lünesc – S. André Apostul

07.30 Les Laudes

01.12. Mertesc – S.ta Natalia

19.30 RORATE: cor de dlisia/chi di confaruns (cianta cor dlisia)

†ta Marianna Vittur - aniversar
†ta Maria Rungg - aniversar
†ti Linert, Tarejia, Bernardetta, Marta y Irene Pescoll

02.12. Mercui

07.30 Funziun de Advënt por i scolars

03.12. Jöbia – S.Francësch Xaver

14.00 RORATE: scolars, seniores y vëdui/es (cianta i scolars)

†ta Crescenzia Valentini - aniversar
†to Konrad Dapoz / por les animez dl purgatore

04.12. Vëndres – S.ta Barbara / Prüm vëndres dl mëis

19.30 RORATE: Consëi de Cüra (sona i Turmbläser)


†to don Giancarlo Bertagnolli
†ti Schanung y Tasser de Sogherdëna
por fam. Urban y Tecla Irsara en rengraziamënt

05.12. Sabeda

16.00 S.Mëssa a Oies

19.30 RORATE: por düt i benefaturs dla Cüra

†to Paul Ploner / †ti dla Villa Erna
por fam. Martin y Erna Irsara



06.12. 2^a DOMËNIA de ADVËNT / Ann C

10.00 Mëssa por la Comunità

19.30 RORATE: KVW y familiars (sona i Turmbläser)

†to Emilio Valentini de Col d'Anví - aniversar
†ti Paul y Nane Pizzinini de Crafunara
vis y †ti de Veneranda Ferdigg

Dala VITA dla CÜRA

Rorate y domënies d'Advënt

Advënt – tëmp de preparaziun al Nadé – dess se daidé ti **fá lerch a Chël Bel Dî** te nostra vita, te nosc cör. Porchël se tolunse tëmp da s'incunté cun l'Signur propi tl **Rorate** (con plö orars) y ince cun tigní la **domënia plö cristiana** – lëdia da tan de cosses kommerziales (sciöche l'Vësco sá racomané). Co fossera pa da porvé da **jí a pé a dlisia**.

Prëitambel y giulan a les Uniuns y a chi che dëida lí, cianté y soné i Rorate.

N gran lalt a **nösc Ministranc**.

Siur Degan

Advënt: chësta domënia, ai 29.11.2015 – prüma de Advënt - sonará dales 19:00 les ciampanes por invié düt ala oraziun d'Advënt te familia.

Comuniun ai amarå: en vëndres, ai 04.12.2015 – prüm vëndres dl mëis jará siur Degan a proveder dales 09:30 inant.

Prüma Comuniun: en mertesc, ai 01.12.2015 dales 20:15 inviunse düt i geniturs di mituns che vá d'aisciöda ala Prüma Comuniun a na incuntada te scola.

Consëi de Cüra: te süa ultima sentada (10 de nov.) á le Cunsëi de Cüra ciámó baié dl "Edema dla Fede" che é jüda bun y an pënsa de fá inant en ater ann (16-23 de october 2016). Impresciun á fat ci che l'Vësco á dit dla **domënia y di Sacramënc**. Co fossera pa da nia ji a cumpré ite les domënies d'Advënt y da ti dé ai Sacramënc plö importanza al contegnü co al fá la festa mai grana assá.

Al é gnü **confermé le sorvise** de conduturs dla zelebraziju dla Parora y dé l'inciaria a les porsones por la preparaziun ala Prüma Comuniun.

I Cunsëis de Cüra y düt é inviá ala concluiun dla **Sinoda ai 8 de dezember** dales 15:00 tl dom da Porsenú.

Por l'**Ann Sant** él la Val Badia adöm a la Val Gherdëna che vá en pelegrinaj a Porsenú la sabeda ai 23 d'aurí 2016 olach'al vëgn daurí la porta santa (ai 13/12).

Al é gnü aprové la domanda por l'assegnaziun de **grunt dla Cüra** a porsones che á la ciasa tl prigo.